

ran, Ermuan Asentzioa”; Herri kantetan: “Durangon tronpia, Garaian danbolina, Berrizen dantzia...”.

Garai izeneko toponimoak Euskal Herriko eskualde guztietan, hasi Enkartzatzoetatik Zuberoaraino auzo, etxe eta leku izen ugari daude. Errioxako Ojastro herrian “cuadrilla” edo barruti baten izena Garai zen eta Argentinako departamendu eta ibai batena ere. Udal izen bakarra, ordea, berau da, Durangoko merinaldean.

Eta hala adierazteko eta bertako Udaltzari bidaltzeko, izenpetzen du Bilbon, mila berderatziehun eta laurogeita hamazortzigarreneko otsailaren hogeita bostean.

H. Knörr,
Onomastika batzordeburua

Mikel Gorrotxategi,
Onomastika batzordeko idazkaria

* * *

Mikel Gorrotxategi Nieto, Euskal Filologian lizentziatua eta Euskaltzaindiaren Onomastika batzordeko idazkari denak, ondoko

DIKTAMEN HAU EMATEN DU:

Elkargo akademiko honek prestaturiko eta onartutako *Euskal Herriko Udalen Izendegian*, bere 143 zenbakia daraman izena, eta orain arte Administrazioaren erabilera ofizialean *Bérriz* deitua, euskal aldaera ofizialean Berriz dela. Bestalde, herritarren gentilizioa berriztar da.

Berriz euskal toponimoa dela eta ondorioz, Euskararen Erabilera Arautzeko Oinarrizko Legearen 10. artikulua arabera, leku-izenak jatorrizko hizkuntzaren idazkeraz idatzi behar direla, kasu honetan Berriz, euskaraz, Erret Akademia honek emandako arauen arabera ez baita euskaraz tilderik idatzi behar.

Eta hala adierazteko eta bertako Udaltzari bidaltzeko, izenpetzen du Bilbon mila bederatziehun eta laurogeita hamazortzigarreneko martxoaren hogeita bostean.

H. Knörr,
Onomastika batzordeburua

Mikel Gorrotxategi,
Onomastika batzordeko idazkaria